

# ARRESTS

DE LA COVR

DE PARLEMENT,

Portans Reglement general pour  
la dixme de sain foin.



A PARIS,

Chez NICOLAS BESSIN, rue de la  
Calande à la Couronne de fer,  
vis à vis Saint Blaise.

---

M. DC. LXIV.

# ARRESTS

IN THE COURT OF

THE MAGISTRATES

OF THE DISTRICT OF COLUMBIA  
IN THE CITY OF WASHINGTON



AND IN THE CITY OF WASHINGTON  
IN THE DISTRICT OF COLUMBIA  
IN THE CITY OF WASHINGTON  
IN THE DISTRICT OF COLUMBIA

THE 1st JUNE 1870





*ARRESTS NOTABLES DE  
la Cour de Parlement donnez pour la  
dixme du Sain foin.*

**V**Eu par la Cour la Requête  
à elle présentée par les Reli-  
gieux, Abbé & Conuent de  
Sainte Geneuiefue au Mont  
de Paris, par laquelle, attendu que par  
les Ordonnances dernieres & Arrests,  
il est enjoint à tous detempteurs & pos-  
seffeurs de terres labourables, vignes,  
& autres heritages situez en & au de-  
dans des terres & seigneuries de Roissy,  
Rosny, Choisy aux Bœufs, & Vanvres,  
de payer la dixme des grains, ensem-  
ble du sain foin qui se recueille sur les-  
dites terres, suiuant la coustume du  
lieu, aucc defences d'enleuer lesdits  
fruits, & autres choses, que lesdites  
dixmes ne soient payées; neantmoins  
lesdits detempteurs ne tiennent com-  
pte de ce faire, ains enleuent ce qui se

recueille sur lesdites terres sans payer les droicts de dixme: Requeroient leur estre enjoint de payer ladite dixme, & permission d'informer contre les contrevenans, comme il a esté ordonné en cas semblable, veu aussi lesdits Arrests & pieces attachées à ladite Requête, Tout considéré. LADITE COUR ayant esgard à ladite Requête, a enjoint à toutes personnes tenans & possedans terres labourables, & autres heritages situez en & au dedans desdites terres & seigneuries de Rosny, Roissy, Choisy aux Bœufs, & Vanvres, payer la dixme qui sera deuë à l'aduenir des grains, sain-foins, & autres choses qui se recueillent sur lesdites terres ausdits supplians, leurs Fermiers, Recueurs ou Commis, suiuant la coutume du lieu: lesquels tenanciers ou redeuables, seront tenus faire sçauoir ausdits supplians, leur Receueur, ou Commis, le iour qu'ils veulent enleuer lesdits grains & sain-foin, & les lieux où ils sont situez, afin qu'ils s'y puissent trouuer pour prendre la dixme, & recevoir ledit droit à la raison accoustu-



5  
 mée: Ordonne que lesdits detempteurs  
 payeront lesdits droicts sur le champ au  
 iour designé auparauant que d'enleuer  
 les fruiets, & iceux bleds mettre en  
 dixeaux pour compter les gerbes: leur  
 a fait inhibitions & defenses d'enleuer  
 lesdits grains, fruiets, & sain foin, tant  
 verd que sec, sans auoir payé lesdits  
 droicts, sur peine de confiscation des-  
 dits fruits, & des charettes, charriots  
 & harnois, ou cheuaux qui seront trou-  
 uez chargez d'iceux, dont lesdits droicts  
 n'auroient esté payez, lesquels à cette  
 fin seront saisis & arrestez: & permet  
 ausdits supplians, ou leurs Receueurs,  
 faire informer des cotrauentions fai-  
 tes ausdites Ordonnances & Arrests de  
 la denegation & refus de payer les droicts  
 susdits, pour lesdites informations fai-  
 res & rapportées pardeuers ladite Cour  
 estre procedé contre les delinquans,  
 comme infracteurs des Edits & Arrests  
 d'icelles. Fait en Parlement le vingt-  
 quatriesme Iuin mil six cens vingt-  
 cinq. Signé, R A D I G V E S Collation-  
 né sur la minutte par Mirebeau.

*EXTRAICT DES REGISTRES  
de la Cour de Parlement.*

**L** Ovis par la grace de Dieu, Roy  
de France & de Nauarre. Au pre-  
mier des Huiffiers de nostre Cour de  
Parlement, ou autre nostre Huiffier  
ou Sergent sur ce requis: De la partie  
de Jacques Malaude, Docteur en Theo-  
logie de la Faculté de Paris, Curé de  
Groflay, pierre de Flexelles aussi Do-  
cteur en Theologie, Curé de Soisy sous  
Montmorancy, Anthoine Girard Do-  
cteur en Theologie, Curé d'Auteuil,  
Martin Grandin, Docteur en Theo-  
logie, Curé de Houilles & Carrière  
sainct Denys son annexe: Jean Bi-  
zet Licentié en Theologie, Curé de  
Charonne: Nicolas Quintaine Bache-  
lier en Theologie, Curé de Chaillot:  
Jean Pennel Bachelier en Theologie,  
Curé de Chastou: Claude de Champ-  
flour, Bachelier en Theologie, Curé  
de Merly le Chastel: Paste: Curé de  
Conflans Charenton: Daigneau, Curé



7  
d'Attainville: de Lei,  
Curé de Moissel: Nicolas Ollin, Curé  
de Drancy: Cesar le Sirier, Curé  
de Besons: Noël le Bœuf, Curé du  
Bourget: Mathurin Duperray, Curé  
de Bagnollet: Poirier,  
Curé de Bondye: De-  
launoy, Curé de Croisy: François Co-  
chon, Curé de Cennois: Iean le Grand,  
Curé de Villiers la Garenne:  
Allix, Curé de saint Oüen Laumosne  
Rame, Curé de Montigny:  
Guillaume de Careleu, Curé de Pen-  
tin: Mesnil, Curé  
de Noisy le Sec: Per-  
doun, Curé de Garges:  
Champion, Curé d'Espinay sur Seine:  
Iacques Quintaine, Curé d'Hermont  
& consors Prestres, Curez des autres  
Parroisses du Diocese de Paris, &

Prestre, Curé de Four-  
queux, a esté humblement remonstré,  
que depuis quinze années le nombre  
des carrosses & des cheuaux est aug-  
menté de telle sorte en cette ville de  
Paris, & és villes circonuoisines, que

les anciens prez qui estoient suffisans pour y fournir le foin necessaire à la nourriture des cheuaux & autre bestail, n'ont plus esté capables de satisfaire au tiers, ou à la moitié du foin qui s'y consomme tous les ans depuis la multiplication effrenée desdites carrosses, & consequemment des cheuaux pour les tirer, tant en la ville qu'aux champs, s'en voyant la pluspart attelés de six & huit cheuaux: Si bien que le foin y estant deuenu fort cher, & de grand prix, plusieurs des parroissiens desdites Parroisses ont changé bonne partie de leurs terres, qui de tout temps estoient ensemençées de bled, & autres grains sujets aux grosses dixmes, & les ont ensemençées de sain foin: quoy faisant ils conuertissent peu à peu leursdites terres labourables, & quelques vignes en d'autres vsages, & diminuënt de telle sorte le droit de dixme qui leur appartient, qu'il ne leur reste que peu de reuenu pour viure, s'entretenir, & secourir d'aumosnes leurs pauvres parroissiens, quelques-uns s'estans persuadés



dez d'estre exempts d'en payer la dixme : ce qui a causé grand nombre de procez entre les supplians, & ceux qui les leurs ont refusé : Esquels procez bien qu'ils ayent obtenu grand nombre de Sentences à leur profit, tant au Chastelet de Paris, qu'aux Requestes du Palais, si est-ce qu'à mesure que d'autres s'auisent de changer ou leurs terres de labour, ou leurs vignes en sain foin, ils sont perpetuellement en peine de recommencer de nouveaux procez, si la dixme dudit sain foin leur est refusée : à la poursuite desquels estans obligez de veiller, il leur arriue trois inconueniens tres-fascheux & dérogeans à leur condition, & à leurs charges de Pasteur. L'un, d'abandonner leurs demeures en leursdites Parroisses, pour venir en cette ville, ou dans les autres villes, où lesdits procez sont pendans, & y sejourner pour l'instruction d'iceux. L'autre, que pendant leurs absences, leurs parroissiens qui sont infirmes ne peuuent estre consolés & assistez, comme ils seroient par eux

s'ils estoient presens. Le troisieme, qu'ils consomment la pluspart des reuenus de leurs Cures en voyages & en frais pour la poursuite desdits procès. Pour éviter auxquels inconueniens notables les supplians ayans eu aduis de trois Arrests rendus en nostredite Cour, l'un, du 24. Iuillet 1625. par lequel sur la Requête présentée par les Abbé, Religieux & Conuent de sainte Geneuiefue au Mont de Paris, il a esté enjoint à toutes personnes tenans & possedans terres labourables, & autres heritages situez en & au dedans des terres & seigneuries de Rosny, Roissy, Choissy aux Bœufs, & Vanvres, de payer la dixme qui seroit deuë à l'auenir des grains, sain-foin, & autres choses qui se recueillent esdites terres ausdits Religieux, Abbé & Conuent de sainte Geneuiefue, leurs Fermiers, Receueurs ou Commis, à la raison accoustumée: Ordonne, que les detempreurs payeroient lesdits droits de dixmes sur le champ au iour designé, auparavant que d'enleuer les fruiçts. In-



hibitions & defenses d'enleuer lesdits grains ; fruiets & sain foin , tant verd que secq, sans auoir payé lesdits droits, à peine de confiscation desdits fruits, des charrettes , charriots, harnois & cheuaux qui en seroient chargez. Permis d'informer contre les contreuenans aux Ordonnances & Arrests , pour lesdites informations faites & rapportées, estre procedé contre les delinquans: Le second, du vingt troisiéme Iuin mil six cens vingt-neuf, confirmatif d'une Sentence du Seneschal de Viuray, ou son Lieutenant à saint Maixant, du vingt deuxiesme Decembre mil six cens vingt-sept, entre Maistre Iean Luçon Curé de l'Eglise Parroissiale d'Issoudun, & Abraham Fraigneau , contradictoire, portant condamnation de payer la dixme des prez: Et l'autre du quatorziesme May mil six cens trente-neuf, sur la Requête de Maistre Pierre du Saulsay, Curé de Montigny, & la Frere son annexe, par lequel il est enjoint à toutes personnes de payer lesdites dixmes des

fain-foin, qui se recueillent sur les terres de ladite Parroisse. C'est pourquoy les supplians ont esté conseillez de se pourvoir en nostredite Cour pour obtenir pareils Arrests. A ces causes requeroient estre enjoit à toutes personnes tenans & possedans terres labourables : & autres heritages situez au dedans du territoire, & dixmage de leursdites Parroisses payer la dixme qui sera deuë à l'auenir des grains & fain-foin qui se recueillent sur lesdites terres suivant la coustume des lieux, & ausdits propriétaires & tenanciers de faire sçauoir aux supplians, & à leurs Fermiers ou Commis le iour qu'ils veulent enleuer lesdits grains & fain-foin, & les lieux où ils sont situez & assis, afin qu'ils s'y puissent trouuer pour prendre la dixme, & receuoir les droits à la raison accoustumée. Ordonner que lesdits detempteurs payeront led. droit sur le champ, au lieu designé, auparavant que d'enleuer leurs fructs, & iceux bleds & fain-foin mettre en discaux pour cōpter les gerbes. Leur faire



inhibitions & defences d'enleuer lesdits grains, fruiets & sain. foin, tant verds que secs, sans auoir payé lesdits droits, sur peine de confiscation desdits fruits, & des charrettes, charriots & harnois, ou des cheuaux qui se trouueront chargez d'iceux, dont lesd. droits n'auront pas esté payez, lesquels à cette fin seront saisis & arrestez, & permis aux supplians ou à leurs Fermiers faire informer des contrauentions faites aufdites Ordonnances & Arrests, de la denegation & refus de payer lesdits droicts pour lesdites informations faites & rapportées estre procedé contre les delinquans, comme infraçteurs des Edits & Arrests. Surquoy nostredite Cour auroit ordonné commission estre deliurée aufdits supplians pour faire assigner aux fins de ladite Requête. Pour ce nous de l'Ordonnance d'icelle te mandons en commettant, qu'à la Requête desdits supplians tu assigne à iour certain & competant en nostredite Cour ceux dont par eux sera requis pour respondre & proceder aux fins

de ladite Requête, circonstances & dependances, & outre comme de raison : De ce faire te donnons pouuoir. **DONNE'** à Paris en nostredite Cour le vingt-deuxiesme Iuin, l'an de grace mil six cens quarante-sept. Et de nostre regne le cinquième. Signé, Par la Chambre, **DV TILLET**. Et sellé de cire jaune.

**C**OMME de certaine Sentence donnée par nos amez & feaux Conseillers en nostre Cour de Parlement, tenans les Requestes du Palais à Paris le troisiésme Iuillet 1651. entre les Doyens, Chanoines, Chapitre de S. Cloud, demandeurs aux fins de l'exploit du dix-septiesme Iuillet 1649. d'une part : Et Philippes de Fontenu Maistre ordinaire de nostre Hostel, Auditeur en nostre Chambre des Comptes, defendeur, d'autre parr : Par laquelle ledit Fontenu auroit esté condamné payer aux demandeurs la dixme, à raison de huit pour cent des grains & sain-foin, par luy recueillis



en l'année 1649. & subseqentes sur  
les terres par luy possedées au dixma-  
ges des demandeurs, lesquelles terres  
estoyent en labour autrefois, & por-  
toient bled, & à present par ledit de-  
fendeur mises en sain - foin particulie-  
rement des sain - foins par luy recueil-  
lis sur vne piece de terre estant près sa  
maison, au lieu dit Loré & Croix Blan-  
che, defense à luy d'enleuer à l'adue-  
nir lesdits grains, sain - foin, qu'aupa-  
rauant il n'eust laissé sur le champ la-  
dite dixme à ladite raison, & aux des-  
pens moderez aux frais de la Sentence  
eust esté par ledit de Fontenu appellé  
en nostre Cour de Parlement en la-  
quelle lesdites parties ouyes en leur  
cause d'appel, & le procez par escrit  
conclud & receu pour iuger si bien ou  
mal auroit esté appellé: Ioint les griefs  
hors de procez, pretendus moyens de  
nullité, & production nouvelle dudit  
appellant, qu'il pourroit bailler dans le  
temps de l'Ordōnance, ausquels griefs,  
& pretendus moyens de nullité les in-  
timez pourront respondre, & contte

ladite production nouvelle bailler con-  
 credits aux despens dudit appellant :  
 Iceluy procez : Forclusions de fournir  
 de griefs & de produire de nouveau  
 par ledit appellant. Veu & diligem-  
 ment examiné : NOSTREDITE COVR  
 par son lügement & Arrest a mis & met  
 l'appellation au neant , ordonne que  
 la Sentence de laquelle a esté appellé  
 sortira effet , condamné l'appellant en  
 l'amende de douze liures seulement ,  
 & és despens de la cause d'appel , la  
 taxation d'iceux pardeuers nostredite  
 Cour reserüée. Prononcé le 29. Mars  
 1653. Signé, DV TILLET.

*Collationné aux Originaux par moy Con-  
 seiller Secretaire du Roy, Maison &  
 Couronne de France, & de ses Finances.*